



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

UPUTSTVO

o zabrani uvoza određenih pošiljki radi sprječavanja unosa u Bosnu i Hercegovinu bolesti kvrgave kože (eng. Lumpy Skin Disease)

Član 1.

(1) Radi sprečavanja unosa u Bosnu i Hercegovinu bolesti kvrgave kože zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

- a) živih goveda i divljih preživara;
- b) sjemena, jajnih stanica i embrija goveda;
- c) mlijeka i proizvoda od mlijeka goveda, osim mlijeka i proizvoda od mlijeka
 - gdje je sirovo mlijeko bilo obrađeno najmanje jednim od postupaka navedenim u tačkama 1.1 do 1.5, Dio A, Dodatak IX, Pravilnika o mjerama za suzbijanje i iskorjenjivanje slinavke i šapa ("Službeni glasnik BiH", broj 45/11); ili
 - bili podvrgnuti ili dobiveni od sirovog mlijeka koje je bilo podvrgnuto postupku pasterizacije jednokratnom toplinskom obradom koja je barem jednakovrijedna toplotnom tretmanu postignutom procesom pasterizacije od najmanje 72 °C kroz 15 sekundi te koja je također dovoljna da osigura negativnu reakciju na test alkalne fosfataze primijenjen neposredno nakon toplinske obrade.
- d) sirovog krzna i koža goveda i divljih preživara, uz one navedene u tački e) ovog stava;
- e) neprerađenih nusproizvoda porijeklom od goveda i divljih preživara,

a koji su porijeklom iz

- provincije Mantua i regije Sardinija u Italiji;
- departmana Savoie, Haute-Savoie, Ain, Isère, Jura, Loire, Rhône, Landes, Pyrénées-Atlantiques, Gers, Haute-Garonne, Tarn, Aude i Hérault u Francuskoj;
- provincija Girona i Huesca u Španiji.

(2) Pored navedenog, zabranjuje se uvoz živih goveda i divljih preživara koje potiču iz drugih regija i država ako se prije ulaska na teritoriju Bosne i Hercegovine prevoze preko područja navedenih u stavu (1) ovog člana.

Član 2.

Izuzetno od odredbi tačke b) člana 1. ovog Uputstva, zabrana se ne odnosi na uvoz i provoz sjemena bikova prikupljenog u periodu od najmanje 28 dana prije pojave prvog slučaja bolesti kvrgave kože u zemlji izvoznici i ukoliko su ispunjeni sljedeći uslovi:

- a) životinje nisu pokazivale kliničke znakove bolesti kvrgave kože na dan prikupljanja sjemena i narednih 28 dana;

- b) životinje su držane u zemlji izvoznici najmanje 28 dana prije datuma prikupljanja sjemena u objektu centra za vještačko osjemenjavanje u kojem tokom tog perioda nije bilo prijavljenih slučajeva bolesti kvrgave kože i taj objekat centra za vještačko osjemenjavanje se ne nalazi u zaraženom području; i
- c) sjeme je prikupljeno, obrađeno i uskladišteno u skladu sa odredbama Poglavlja 4.5 i 4.6 važećeg izdanja WOAH Zdravstvenog koda za kopnene životinje.

Član 3.

Stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva.

Član 4.


Stupanjem na snagu ovog Uputstva prestaje važiti Uputstvo o zabrani uvoza određenih pošiljki radi sprječavanja unosa u Bosnu i Hercegovinu bolesti kvrgave kože (eng. *lumpy skin disease*) (Broj: 02-1-02-2-814-5/25 od 06.10.2025. godine).

Član 5.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu bolesti kvrgave kože.

Broj: 02-1-02-2-383-1/26

Datum: 05.03.2026



DIREKTOR

Saša Bošković dr vet.med.

DOSTAVLJENO:

- Ministarstvo vanjske trgovine i ekonomskih odnosa;
- Svim graničnim veterinarskim inspektorima;
- Odjeljenje za sigurnost hrane i uslove u objektima;
- Odjeljenje za zdravlje i dobrobit životinja;
- Arhiva.